



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Divi Bambergenses S. Henricvs Imperator S. Kvnegvndis  
Imperatrix S. Otho Episcopvs**

**Gretser, Jacob**

**Ingolstadii, 1611**

VI. Quomodo Vdalricus Presbiter, & Albinus interpres Hologast ciuitatem  
adierint, & de periculo euaso.

**urn:nbn:de:hbz:466:1-41527**

affirmabat, infinitæ nimis esse insipientia, cùm omnes circumiacentium nationum prouinciae totusque Romanus Orbis Christianæ fidei iugum subierit, se velut abortiuos, gremio sancte matris Ecclesie alienari, meritoque diligendum Christianorum populum, qui per tot annorum curricula eos sibi rebelles pertulerit, patienter exspectans conuersionem eorum; nimisque verendum, si amplius iugum eius detrauerint, cælestis iræ importabilem fæse vindictam incur-  
rere.

Tandem diuinâ præueniente clementiâ, vnanimiter cul-  
tum idolorum abdicarunt, & fidei iugo colla submittentes,  
baptismi gratiam flagitare cœperunt. Quo auditu, pastor  
piissimus flens præ gaudio, positisque genibus, intimas Deo  
gratiarum actiones exsoluit.

Quomodo Udalricus Presbyter, & Albinus  
interpres \* Hologost ciuitatem adie-  
runt, & depericulo euaso.

\* VVolgaſſ.

## C A P V T S E X T V M.

**N**ox igitur in cädem ciuitate baptizatis Principi-  
bus vniuersis, binos & binos è Presbyteris sibi ad-  
harentibus, ad alias vires, ante faciem suam, præ-  
misit, ut populo conuersionem Principum, suum-  
que aduentum denunciarent. quorum duo, id est, Udalricus  
religiosus Presbyter S. Aegidij, & supra dictus Albinus, inter-  
pres viri Dei, opulentissimam ciuitatem Hologost dictam,  
adierunt, ubi à matrefamilias, vxore scilicet Praefecti vrbis, ho-  
norificè suscepisti sunt, ita ut pedes eorum summa humilitatis  
deuotione lauaret; statimque, mensa appositâ, copiosissimis  
eos dapibus reficeret, mirantibus eis & admodum stupenti-  
bus, quod talem in regno diaboli humilitatis & hospitalita-  
tis gratiam meruissent.

Tandem

Quam huma-  
niter VVolgaſſ  
exceptiue  
rit.

Tandem finita refectio, Dominus Albinus matrem familias secretius alloquens, indicauit ei causam aduentus sui, & qualiter ad colloquium \* Vznoim habitum cuneti Principes, abdicatis idolatriæ sordibus, Christi gratiam induerint. Hæc illa audiens, adeò expauit, vt terra procumbens diu semianimis remanserit; quam in aqua refocillatam Dominus Albinus requirere ceperit; cur Deigratiam adeò exhorruisset; cum magis latari debuerit, quod Deus visitauit plebem suam mittendo ei tam idoneum Verbi ministrum. At illa, non pro hoc, ait, obstupui, sed magis pro nece vestra, iam iamq; immidente, contremuit cor meū. Nam magistratus ciuitatis huius cum omni plebe propositum habet, vt vbi cunq; apparueritis, sine retractatione occidamini: & hæc domus mea semper quieta & pacifica omnibus peregrinis superuenientibus hospitalis fuit; nunc vero sanguine vestro contaminanda erit re vera. Nam si aliquis magistratum introitum vestrum huc deprehendit, hac hora domus mea obsidione vallabitur; & ego infelix, nisi vos tradidero; igni, cum omnibus meis concremabor.

*Absconduntur  
in edibus familiæ.* Ascendite ergo in superiora domus meæ, ibique latitate. Ego ministros meos cum exuuis vestris atque caballis ad remotores villas meas dirigam, vt, si venerint inquisitores, liberè vos excusare possim, cum nec indumenta vestra, nec caballi apud me deprehendantur. Illi verò pia eius prouisioni gratias agentes, fecerunt vt docti erant: statimque ministris caballos eorum & vestes abducentibus, post modicum plebs furibunda irrupit, omniaq; scrutantes, peregrinos illic ingressos violenter ad mortem expetebant. Quibus materfamilias, fateor, ait, domum meam ingressi sunt, & sufficienter refecti velocius abierunt; & ego, qui vel unde essent, aut quo tenderent, explorare non potui. Sequimini autem, & forsan comprehendetis eos. Illi verò, si, inquiunt, abierunt, vanum est, eos insequi: sed viam suam pergent; & si denuò hic apparuerint, morti se proficul dubio inuoluedos sciant. Et sic inquisitio eorum, Dei nutu, cassata est: seruique Dei Vdalricus & Albinus in solario matronæ illius, velut alterius Raab, absconditi latuerunt.

D6

*Plebi furens  
imperium facit  
in ades.*

*Quae clusare  
adit.*